



## COPLAS DO ENTROIDO 95.

\*Donas e cabaleiros,  
imos alegres contar  
estas coplas do Entroido,  
a festa máis poular.

\*As orellas e filloas  
debemos saborear,  
son sabrosa lambetada  
pró Entroido comezar.

\*Nesta vila pasan cousas  
difíciles de explicar:  
onde nace o galeguismo,  
todos castelán a falar.

\*Todos estamos contentos  
co noso horario escolar:  
traballamos, progresamos  
e podemos descansar.

\*Haiche en España unha moda  
imposta por Lobatón,  
que pon á xente toliña  
mirando a televisión.

\*Teño unha tele acendida  
e botan Reality-Shows,  
é a familia apenas  
chora enriba do sillón.

\*Na caixa tonta, tontá,  
chamada televisión,  
bombardean día e noite  
con culebróns, culebróns;  
é unha merda, perdón,  
de programación ¿ou non?

\*Chiquito comendo as uvas  
xa no teu televisor,  
este home é un fistro,  
un fistro de pecador.

\*-¿A onde vas, Roldán,  
mangando a todos nós?  
-Eu só quero divertirme  
á conta de todos vós.

\*¿A onde vas, Roldán,  
-pregúntalle o Garzón-  
cando foxes do país,  
forradiño ata os calzóns?

\*O deporte do goberno,  
un mal invento a olvidar:  
cos casos GAL e Roldán  
todos imos enfermar.

\*Mellor é que nos gobernen,  
en vez de tanto cacique,  
Chiquito de la Calzada  
e máis Jesulín de Ubrique.

\*Felipe e máis Asnar  
discuten por gobernar  
un país empobrecido  
que acaban de desfalcar.

\*Do toureiro e da cantante  
a voda ía ser alucinante  
nas portadas de revistas;  
pero a Infanta, ¡normal!  
quitóulle-las entrevistas.

\*Rocío Xurado e máis  
Xosé Ortega Cano  
casaron ben en febreiro  
para ser voda do ano.

\*¡Ai, Clemente, Clemente,  
como cabreas á xente!  
Con Zubi na portería  
non hai ningunha garantía.

\*O Teucro, campión,  
este ano é o mellor.  
E o futbol de Pasarón  
a Segunda División.

\*Ninguén cría que o Teucro  
aí arriba estaría:  
o porteiro para todo,  
como a afección quería.

\*Despois do loñgo desfile,  
a xente empeza a marchar:  
as prazas quedan baleiras.  
agás algúns lacazáns.

\*En Marín é a sardiña,  
en Pontevedra, o Ravachol,  
e todos coa choradiña  
ó irmos ó seu carón.

\*Comemos ben as filloas  
e as orellas das avoas,  
e disfrazados de turco  
despedímonos de Urco.

\*Seis días despois do desfile,  
a Fertería abarrotada.  
Pontevedra viste de loito  
para a cruel queimada.

\*E todos tristes, moi tristes  
marcharon ás súas casas,  
acabáronse ass filloas,  
acabáronse as comparsas.

Alumnas e alumnos de 7º e 8º

